

17
DISSERTATIO MEDICA

INAUGURALIS,

DE

MALO HYSTHERICO:

QUAM,

ANNUENTE SUMMO NUMINE,

Ex Auctoritate Reverendi admodum Viri

WILLIELMI ROBERTSON, D.D.

ACADEMIAE EDINBURGENAE PRAEFECTI,

NEC NON

Amplissimi SENATUS ACADEMICI consensu,

Et nobilissimae FACULTATIS MEDICAE decreto;

PRO GRADU DOCTORATUS,

ADQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS,

ERUDITORUM EXAMINI SUBJICIT

RODOLPHUS RICHARDSON, SCOTO-BRITANNUS. *R*

Ad diem 21 Januarii, hora quarta post meridiem.

EDINBURGI:

W. RUDDIMAN. J. RICHARDSON. et Socios.

M.DCC.LXIII.

JOHN H. MURRAY

DEPT. OF AGRICULTURE

OFFICE OF THE SECRETARY

WASHINGTON, D. C.

1900

RECEIVED

NOV 1 1900

U. S. DEPT. OF AGRICULTURE

OFFICE OF THE SECRETARY

WASHINGTON, D. C.

1900

RECEIVED

NOV 1 1900

U. S. DEPT. OF AGRICULTURE

OFFICE OF THE SECRETARY

WASHINGTON, D. C.

1900

RECEIVED

NOV 1 1900

U. S. DEPT. OF AGRICULTURE

OFFICE OF THE SECRETARY

WASHINGTON, D. C.

1900

RECEIVED

NOV 1 1900

HONORANDO ET EXIMIO VIRO

IOANNI MURRAY

DE STROWAN;

PUBLICO AD REGNI COMITIA LEGATO:

NOBILISSIMI PRINCIPIS

JACOBI ATHOLIAE DUCIS

GENERO AC FRATERNI FILIO:

ARTIBUS CLARO, SED CLARIORI VIRTUTIBUS:

ARTIUM LIBERALIUM,

SIVE IN OTIO, SIVE IN NEGOTIIS,

PATRONO:

MORUM ELEGANTIA VITAEQUE DIGNITATE

IMPRIMIS ILLUSTRIS:

SCIENTIAE SUORUM IN MEDICINA STUDIORUM

PRIMITIAS

CONSECRAT

CAROLUS RICHARDSON.

JOHN MURRAY
ST. JOHN'S

THE

THE

THE

THE

THE

THE

THE

THE

THE

THE

THE

THE

THE

THE

THE

DISSERTATIO MEDICA

INAUGURALIS,

DE

MALO HYSTERICO.

OMNIUM morborum, quibus genus humanum exercetur, nullus frequentior, aut maior variat, quam iste, qui vulgo Hystericus dicitur. OFFMANNUS malorum Cohortem eum adpellet; adeoque vix malum quicquam est, quin solerti acutamine simulare queat, ut summo saepe ingenio, diligentissima observatione opus sit, haec aliis multis et diversam curationem requirunt, discernere quis velit. Vix in duabus mulieribus eandem faciem induit, quin et in eadem saepe aliis temporibus alius quoque ejus status erit. Cum igitur hujus morbi omnia tam varia, vaga et contraria sese ostendant, accessiones, ita nulla lege, ordine nullo fiant, ut ipse SYDENHAMUS, ad nullius formae constantis quicquam, redigere potuerit (*a*), historiam morbi persequere ut difficillimum sit necesse est.

A

Hic

(a) Sydenham. Epist. ad G. Cole.

Hic morbus variis nominibus adpellatus est, a Graecis *Υστερικη, γνιξ, η απνοια της υστερας*; a Romanis, Praefocatio seu Strangulatio uteri. Praeter haec, alia ab aliis scriptoribus, prout in opinionum et rationum de eo diversitate singuli fuerunt, ex occasione inventa sunt; qualia sunt, Perfrigeratio flatuosa, Syncope frigida, Epilepsia uterina, Affectus uterinus, Malum hystericum.

Quorum omnium aptam morbi significationem nullum exhibet. Nec facilis equidem, fateor inventu vox est, et forsitan omnino nequit, quam tam incertam rem certiore nota distinguat. Nobis prae caeteris arridet HOFFMANIANUM illud *spasmodicus convulsivus morbus*, cui adjectum *Hystericus* vocem velim, quo certius aliis hic morbus spasmodicis distinguatur.

SYMPTOMATUM ENUMERATIO.

PAULO ante accessionem, hebetari mulieris sensus, totum corpus molestia affici, solent, pallor vultus, idemque totus suffundi animi dolore videtur: tum frontem, tempora et oculos, dolor vehemens invadit, lacrimae effunduntur, tenebrae oculis obijciuntur, palpitat cor, pulsus arteriarum inaequalis, durus et intercisus. His succedunt lumborum dolor, cum maximo totius corporis frigore: venter durefcens, aut inflatur, aut costringitur; et, sive hoc, sive illud, factum est umbilico.

umbilicus intro retrahitur: hypochondrion sinisterum, regioque epigastrica quasi vi distenta percipiuntur: quorum distentio magis atque magis arcata in globum cogitur,isque sensim ad guttur aspirans mulierem prope strangulat. Hoc tempore arteriarum pulsus vix sentitur; interrumpitur vox, crebrior spiritus fit, et pene supprimitur: quibus interdum malis antecedunt, ventris murtura, dolores cum certis locis contenti, tum per ventrem et partes musculosas passim vagantes, arumque, invita muliere, protensiones et contractiones, iique totius corporis motus, quibus valentissimus robore vir sit impar componendis. Hæc omnia in somnum profundum desinunt; quo mulier per aliquantum temporis, sensu motuque adempto, sepulta jacebit. Deinde post aliquam in somni simillimo hoc somno moram, gemitus gratos et tardos reviviscens ducere; sonare intestina incipere, aer e stomacho, e vagina serofus aut sanguineus humor rejici; recluduntur oculi, vultus color diffunditur, cum voce sensus redeunt, potest omnia ad salutem quae sunt, signa jam appareant; saepe tamen infirmæ et tanquam contumaces partes affectae aliquamdiu post percipiuntur.

Semper aliqua pars capitis, in aliis frons, in aliis tempora, maxime autem occiput, afficitur. Premit vertigo, aurium tinnitus, molestique arteriarum temporum pulsus. Continetur saepe uno

aliquo capitis puncto dolor molestissimus, quem vomitus immanis haud raro comitatur. Dicitur hic *clavus hystericus*. Obfuscantur saepe oculi caligine, quibus musci quasi obvolitare videntur vel ita arcte clausi sunt, ut recludi iterum vix possint; terribiles in modos iidem circumrotantur simul horrendae voces tolluntur, et, tanquam dolor subesset, pectus aegra manu percutit. Saepe vultus subito rubescit, et calore non modico afficitur. Est ubi pallor et frigus pro prioris ratione rubedinis sequitur (a). Nonnunquam per aliquot dies saliva fluit; quin et dentium dolore interdum morbus imitatur; nonnullis dentes cadunt, os spumescit, ut epilepsia correptis fit (b). Raro tussis abest, quae convulsiva aliquando fit cum tantis cordis palpitationibus, quanta ex intervallo aliquo exaudiantur. Spiritus varius est, pulsus arteriarum prope innumerabiles (d): nec in ea muliere, etiamsi similia mala et tempora sunt, miles hi quoque inveniuntur. Nonnunquam frigus et spiritus et pulsus omnino cessant. Laboratur cope, cardialgiis, feбри et vomitu violenti; utque morbo, qui Cholera dicitur, materia speciosa constantissima per hunc rejicitur. Quod in vomitu aliquando icterum vertitur; quae ubi fiunt, videntur plerumque

(a) Astruc *traite des malad. des femmes*, vol 4. p. 100.

(b) Hippocrat. *Foessii de morb. mul. lib. 1. § 5. p. 100.*

(c) Lieuteaud *Precis, de la medecine pratique*, p. 60.

(d) Astruc loc. citat. p. 57.

plerumque tactus manu durus est, et prominet. Fumi acidi et corrodescentes stomacho exhalantur, sic ut ipsos dentes inficiant, eoque magis, quo diutius morbus duraverit; iidem aliàs putentes observantur. Dolet vehementer abdomen, et quasi pulsare sentitur, nec in una aliqua parte, sed aliis post alias: alvus aliquando resoluta cum tenesmo urget: sed plerumque illa tamen obnixe durefcit. In accessione, anus et rectum adeo contrahuntur, ut fistulam, qua liquor aliquis eo immitti solet, nequeant accipere. Aliquando renes, ureteres et vesica afficiuntur, ut omnia calculi mala simulentur: urina parca, difficillime, immani cum ardore, redditur; est ubi copiosa, et crystalli instar, pura mejitur; quod quidem SYDENHAMUS morbo proprium vel παθογνωμονικόν censuit. Eadem dolore et sedimento admodum variat. Crura, brachia, et digiti, nervorum resolutione et convulsionibus, subinde agitantur. Interdum aequè summo, ac in apoplexia fit, mente afflictæ privantur: primum, quod in apoplexia non fit, paulo ante accessionem, maxilla inferior convellitur (a). Operæ pretium est hanc observationem notare, quando a menstruorum humore intus retento morbus profectus est, quo tempore illa erumpere nituntur, multa corporis loca, magisque circa ventrem, pedes et cervices, cum dolore intumescere; quod plerumque aegram male habet, donec vel vena secetur,

(a) Lieuteaud Precis, de la médecine pratique, p. 618.

cerur, vel sanguis, naturae consilio, per nares, pulmones, aut alias partes effluat: quo facto statim hoc incommodum evanescit. Miras ardoris et frigoris vices mulieres percurrunt, quorum hujus frequentissimus in tergo sensus est. Per accessionem plerumque aegra vehementi ardore aestuat, in horrorem et frigus mox fere desituro. Quin et mirum hoc in primis est, quod, quanquam toto corpore glaciei instar gelascente, pulsus non secus ac bene alicujus valentis rite se habet (a). Quandoque caput cum humeris ardent, mirum in modum reliquo corpore interim frigescente. Denique tanta est horum omnium varietas, ut duntaxat numerari omnia prope nequeant. Nec animi affectiones quietiores sunt; cachinni tolluntur enormes, quos moestitia, sollicitudo et fletus, nulla apparente causa, sequuntur. Amor, odium, spes, desperatio, ex levissima quaque re, alternis vicibus sese excipiunt: adeo ut propositum tenere aegrotans, aut consilia sequi certa, nequeat.

Universas hujus morbi notas supra neque comprehendere, neque ordine quo se ostendunt, singulas persequi licuit: nec fieri hoc potuit; quidem specie, numero, et diuturnitate, pro casibus accessionum, singularum temperamentis, potestate, et mobilitate partium, nunquam non variant.

(a) Sydenham. loc. citat.

QUID INSECTA CADAVERA DOCEANT.

DE GRAAFFIUS, cum alicujus hoc morbo peremptae cadaver incidisset, nullibi vitium, praeterquam quod cordis ventriculi praeter naturam sanguine coagulato distendebantur, invenit (a). Neque WILLISIUS quidem, nisi quod mesenterii laminas inter se junctas observavit (b). PANCREAS HIGHMORUS solum ulceratum se vidisse ait (c). Mesenterii venae turgescere et varicosae esse nonnumquam observantur (d). DE GRAAFFIUS in plurimis hoc morbo jugulatis universa viscera integra, et secundum naturam se habere comperit. Contra, cadavere alicujus hoc morbo extinctae incisio, innumerabiles glandulae schirrosae, figuris et magnitudine variae, et durae adeo ut cultro contraherent, per mesenterium in conspectum datae erant; uterus, ovaria, vasaque spermatica, materie corrupta, lacti quod coit haud absimili, infarcta erant (e). Virginis ovaria, RIOLANUS, palmarum majora, materie serosa turgere, tubumque Fallopianum, quam pro natura multo esse majorem comperit (f). RIVERIUS, marito orbae cujusdam ovarium sinistrum parvo ovo magnitudine par,

- (a) De succ. pancreat. cap. 9. ex Elsnero.
 (b) Patholog. cerebr. cap. 6.
 (c) Disquisit. anat.
 (d) Guarinon. Conf. 484. Lud. Mercat. tom. 3. lib. 1.
 (e) Mannaget. miscellan. curios. Amst. 1674.
 (f) Anthropogh. 2. c. 32.

par, et nigro colore imbutum, conspexit, idemque cultro exploratum, nigrum quiddam gangrenosi specie intus continere (a). DIEMERBROECKIUS, pilae palmariae magnitudinem superans ovarium, in quo viscidum aliquid inerat, deprehendit. Idem, in aliis quoque ovariis, post necem incisis, fulvo croceove colore humorem offendit (b). Puellae variis malis hystericis extinctae, in cadavere, intestina crassa, parsque hepatis convexa livescere, vasa spermatica ejusdem viscido ceruleo referta esse, ovaria, et tubi Fallopiiani, materia, variis coloribus, et crassitudine quoque varia, incredibilem in modum distendi, uterum perparvus esse, deprehensa sunt (c).

CAUSAE PROCATARCTICAE.

Morbum efficiunt, animus vehementius aut diutius in aliquid intentus, vel moerore (d), ira (e), liisve affectibus commotus (f); luxuria, immotus cibi et potionis, maxime vinosae, seu, quod vago dicitur, spirituosae, usus; cibi crudi et inflantia acida liberius justo assumpta, magis si vitae ge-

(a) Cent. 1. obs. 60.

(b) Anat. lib. 1. cap. 23.

(c) Bonetus sepulchret. anat. v. 3. p. 48.

(d) Plateri obs. lib. 1. p. 190.

(e) Fred. Hoffmann. consult. et respons. med. cent. sect. 3. cas. 51. p. 234. Forestus, lib. 28. obs. 28. v.

(f) Id. vol. 3. sect. 1. cap. 5. p. 54 et 59.

iners nec actuosum est; jejunia (a), vomitus violentes, alvus ultra modum effusa, insolita fatigatio (b), ventus nimia vel nulla, (c), menstruorum, sive major sive minor justo fluxus, vel hic totus retentus, (d) fluxus lochiorum (e) vel haemorrhoidum (f), e quacunque re, praesertim subita aqua, sicut iis quae adstringunt (g), vel per frigus retentus (b); abdomen nimis compressum (h): accedunt denique partus in alvo elisus, difficilis pariendi labor, aer calidior humidiorve. Potest etiam, quicquid vel nimiam sensilitatem accendit, vel, ut humorum copia inutilis ad partes naturales derivetur, facit, vel excretiones naturales ullo modo impedit, hujus morbi jacere semen potest.

Ab hoc loco non alienum est supra memoratis accedere, languidas et pituitosas natura mulieres in quibus acerbis accessiones non incidere ac eae irritabiliore sunt, et pleniorum habitum habere; eadem tamen deliquiis frequentibus opprobriosa, levissimae cujusque rei strepitus, aut suavis

B

vis

Sydenham. loc. supr. citat.

Hippocrat. lib. 1. sect. 5. p. 157.

Id. loc. ult. citat.

Id. Aphor. 57. lib. 5.

Hoffman. v. 3. sect. 1. cap. 5. obs. 7. p. 61.

Id. cap. 6. obs. 11.

Id. consult. et respons. med. cas. 99. p. 226.

Juncker. conspect. med. p. 195.

Id. p. 330.

vis alicujus odoris, impatientes esse consueverunt (a).

QUIBUS ANNI TEMPORIBUS INGRUAT.

OMNIBUS hic morbus temporibus ingruit, magis vero hiemali vel autumnali (b); humidis et frigidis tempestatibus, saevientibus magis omnibus *συμπλομασι*, fere revertitur; magis si calidi siccique dies aliquanto ante fuerunt (c), multaeque eum sine ulla manifesta causa incidunt; aestate optime se habent.

QUARE MULIERIBUS FAMILIARIOR S MORBUS QUAM VIRIS.

MULIERES imbecilliore corpore esse quam viros, et cutis illarum mollitie, et solidarum partium elasticitate minori, adparet (d); unde Hippocrates humidiorem eas temperamento esse (e), partesque humiores magis abundare (f) opinatus est; quam opinio nem experimenta probarunt (g): incisis enim corporibus, musculos muliebres graciliores, plus aqua fibris passim interspersum, ossa leviora et minus densata, quotidie videre est: quo citius ad eandem aetatem ab iis pervenitur, cum mollior

(a) Fred. Hoffmann. vol. 3. sect. 1. cap. 5. p. 52.

(b) Nic. Piso, de morb. cognosc. et curand. v. 2. p. 10.

(c) Avicenna, v. 1. lib. 3. p. 943.

(d) Hippocr. chart. de morb. mul. lib. 1. v. 7. p. 10.

(e) Id. natur. pueror. f. 6.

(f) Id. de gland. f. 11.

(g) Hales haemastat. p. 12.

rum vasa et explicabiliora sint (*a*); ad haec minus perspirant (*b*), et arteriae earum imbecillius et languidius pulsant (*c*).

S E D E S M O R B I.

QUIBUS ex observationibus disci potest, mulierem habitum virili infirmiore et in plenitudinem procliviorē esse: quod utrumque, inertia et melidia, huic sexui communia vitia, consuetudine confirmant: omissis exercitationibus, humores pervasa, praecipue abdominis, tardius feruntur; motus intestinorum peristalticus debilitatur: nutritio, chylo in boni sanguinis naturam mutando necessaria, deficit; eorum quae debent minus feruntur, quorum et proprietates in pejus eunt, ut nimis etiam excernatur. Quae omnia, si animi affectiones et perturbationes, quibus opportuniore mulieres quam viri sunt (*d*), accedunt, imperfectiorum concoctionis praevalens effectus, languidiorum humorum circuitum, nimiamque, cum reliquo corporis, tum maxime primarum viarum motum, ducent. Has autem, saepe in mulieribus, semper in viris, morbi sedes esse, eo iudicamus, quod adeo sensibiles sint, et cum universo corpore consentiant: quos earum sensus et conatus probant cordis palitationes, pulsus arteriarum

B 2

rum

Boerhaav. de vir. med. cap. 13.

Sanctor. sect. 3. aphor. 72.

Galen. de causa pulsuum, 3. 5.

Bagliv. prax. med. lib. 1. p. 131.

arum inaequalis, sudores frigidi, delirium, corpus convulsū atque animus deficiens, graves ventriculi dolores et inflammationes (a) sequi consuevit. Haec tamen e levissimis causis nonnunquam oriuntur (b); ipse anxietatem, vomitum, frigidosque sudores, pene statim ex inciso leviori plaga digiti vel si ulcus aliquod cruris (d) casu irritatum est vidi supervenire: quibus similia, ubi acre aliquando per anum immisum est, ubi intestina doluerunt aut lumbrici tenuem intestinorum tunicam irritaverunt, similes quoque sensus indicant.

Videmus igitur canalem alimentarium acutissimis esse sensibus praeditum; idem, per inexplicabilem hactenus cum universo corpore consensum in motus immanes partes etiam maxime diffundere conjicere saepe valet, et ab iisdem his invicem affici potest; quo fit, ut aptissimus sit hic locus ubi morbus infinitam prope malorum seriem complexus, et universum corpus male afficiens, suas collocet. Has autem sedes esse, hinc propria morbi, evincunt, anxietas, nausea, vomitus, prope, ventris murmura, et hoc genus alia, a

(a) Forestus de stomach. affect. tom. 1. lib. 18. c. p. 301. Medical Essays, vol. 1. art. 29.

(b) Forestus simile huic aliquid ex lacte in ventriculo ante memorat, loc. sup. cit. Videbis et aliud ab irritato oesophago tumore, Med. Ess. vol. 1. art. 28.

(c) Consensum hunc ventriculi cum reliquis corporis partibus, etiam probant motus toto corpore ab opiatissimis medicamentis excitati. Vide Wepfer. de cicut. aquat.

tionibus fere nunquam non præcuntia. Contra obijciatur, "accessiones aliquando a partibus ab intestinis et ventriculo remotis incipere, cumque illa quiescere, et affectu omni immunia esse videantur, ab iis morbi causam non esse petendam." Sed futile hoc argumentum est; siquidem et affici locus aliquis, et affectus latere potest. Nonne enim graves dolores ab oneratis stercore intestinis, aut stomachi affectibus, ad caput sæpe adspirant, neque in locis primum affectis ulla tamen molestia sentitur?

Tametsi hujus morbi, in ventriculo vel intestinis, nullo discrimine, principia collocavi, tamen frequentius et gravius his affici ille observatur, qui quidem suae conformationis proprium aliquid habet, quo prae caeteris fit, tum huic tum aliis morbis, ad se recipiendis idoneus. Nonne varia et dissidentia hic symptomata ad alias aliorum corporum constitutiones, sive *ἰδιοσυγκρασεις*, referenda videntur? Nonne etiam reliquas partes, si caetera paria sunt, ut aiunt, magis aut minus afficiuntur, prout diathesis hysterica, si voce uti liceat, major aut minor contigit.

ALTERA MORBI SEDES.

In alteram nunc morbi originem male affectum, uti nobis videtur, uterum, demum inquirendum est. Ut canalis alimentarius, ita hic quoque insigni

signi sensilitate pollet, similiterque cum reliquo corpore consentit.

Hi uteri sensus non solum ex fabrica ejus spongiosa, intertextis numerosis vasis sanguineis et nervis, patent; verum etiam ex exquisitis doloribus et aerumnis, quas ei infert inepta inter pariendum tractatio. Consensum ejusdem cum toto corpore probant vomitus, convulsiones, et similia, quae inflammato nasci utero (a) notum est, univerforum artuum languor, cibi fastidium, artuum delassatio, capitis, dorsi, et lumborum dolor, mulieribus, inter postque menstruorum fluxum, consueta; porro anxietas, spirandi difficultas, cordis palpitationes, syncope, vertigo; postremo, convulsiones, retentis menstruis, saevientia.

Neque enim haec mala ad totius corporis plenioris habitum referenda judico:

Primum, quia sanguis corpore excretus iisdem proprietatibus pollet, quibus intus retentus (b)

Deinde, quia mala, de quibus supra comprehensum est, ex abundantia boni sanguinis minimè oriuntur.

Tertio

(a) Vid. Paul. Aeginet. lib. 3. cap. 64. et Joannis Vrandaei de morb. mul. lib. 3. p. 142.

(b) Friend. Emmenolog. cap. 2. p. 60. Haller. prim. Physiolog. p. 335.

Tertio, quod eae quibus menstrua omnino occlusa sunt, quo tempore haec fluere debent, in utero, eique vicinis partibus, magna molestia affici solent, quae absque ulla inanitione manifesta protinus evanescit (a).

Denique, quod ante hunc fluxum, vel etiam in ipso fluendi tempore, secta vena, largiorique, quam in sana aliqua unquam factum est, copia sanguinis emissa, tamen suo tempore, et solita saepe copia, menstruorum humor erumpit.

Postremo, quod, ut longo medendi usu edocti viri observarunt, mulieribus ad extremum imbecillitatis et inanitatis, veterantibus morbis, redactis, haec excretio saepe neque defuit, neque suas leges non secuta est (b).

Unde symptomata modo memorata, ex affectibus uteri cum corpore per consensum communicatis, orta esse conjicio, atque ex iisdem hujus morbi malorum principium esse petendum; quam conjecturam veresimillimam haec reddent.

Virgines

(a) Hippocrat. Foessii, lib. I. p. 589.

(b) Ramazinus monacham memorat decem annorum mor-
labefactam, lectoque affixam, cui tamen menstrua natu-
legibus paruit. De morb. artificum, cap. 19.

Virgines pubescentes, si menstruis primum fluxuris a vi aliqua contra resistitur (a), aut quavis aetate mulieres, quibus difficile admodum illa erumpunt, gravissimis hujus morbi accessionibus saepe torquentur (b); haeque ipsae tum demum acerbissimae fiunt, cum ejicere cohibitum humorem natura nititur (c): Contra, si quando mala Hysterica sunt, neque peccatur in menstruis, mitiora illa esse nunquam non observantur (d).

Sed et acrium humorum effluxio, qualis est fluor albus, qui dicitur, vel mola in pus abiens (e), vel conclusum utero aliud quidvis, eumque irritans, affectibus Hystericis occasionem saepe dederunt (f).

Ad haec uterus cum vagina, adveniente jam accessione, vehementer agitantur. Ipsa mulier contrahi illum, in longitudinem tendi, et ab altero latere ad alterum moveri percipit (g). Interdum

(a) Astruc, loc. citat. p. 65.

(b) Hoffman. loc. ult. citat. p. 54.

(c) Hippocrat. Foessii, de morb. mulier. lib. 1. § v. p. 19.

(d) Joannis Varandaei, loc. supra citat. p. 112.

(e) Maureceau maladies des femmes grosses, liv. 3. c. 21. Boerhaav. de morbis nervorum, v. 2. p. 847.

(f) Joannis Varandaei, loc. citat. Casper Bauhin. theatr. anat. lib. 1. c. 39.

(g) Astruc, loc. citat. p. 64. Joannis Varandaei, citat. p. 116.

terdum dolor satis acutus accedit. Observatumque est positurae uteri prorsus mutatae notas non ambiguas non defuisse (a).

Porro ubi hic morbus post partum aliquam adgreditur, ab interno uteri vel vaginae ore incipere solet convulsio (b). Denique soluta accessione serosus sanguis (c) semper, interdum putens (d) humor, per vaginam effluit.

Postremo venus efficacissimum morbi auxilium, (e), qua, ut quaeque maxime religionis nomine, abstinuit, ita affectibus Hystericis opportuna maxime fuit (f); atque hoc iis etiam magis usu venit, quae signa deae olim sequi solitae transfugae tandem deseruerunt. Unde fit ut viris orbatae proniores in hanc pestem quam aliae sint (g).

Igitur ex omnibus, de quibus disputatum est, muliebria corpora sensiliora et irritabiliora, ac
C proinde

(a) Nic. Piso, de morb. cognoscend. et curand. lib. 3. p. 324.

(b) Fred. Hoffman. loc. ult. citat. p. 53.

(c) Capp. Aretaeus, de causis et sign. morb. acut. lib. 2.

(d) xi. Galen. comment. in Hippocrat. lib. vi. de locis af.

(e) c. v. Lomius, observ. med. lib. 2. p. 281. Astruc

cit. p. 55.

(f) Fred. Hoffman. loc. citat. obs. 7.

(g) Haec opinio ubique constat inter auctores.

(h) Maureceau, loc. citat.

(i) Nic. Piso, loc. citat. p. 322. Rodericus a Castro, de

mul. lib. 2. p. 154.

proinde imbecilliora quam virilia esse, apparent. Atque, omiſſa uteri ratione, in affectus Hyſtericos ut procliviores eadem ſint, neceſſe eſt. Quod ſi et uteri ratio habeatur, et duplex cauſa concurrat, mirumne alicui erit, ſi facilior etiam ad eas quam ad viros, ruenti peſti ſit aditus?

DIAGNOSIS.

QUAM incertae ſint huius morbi notae omnes quamque aliis ei diſtinguendo parum ſufficiant, eſt hiſtoria ante deſcripta patet. Tot in facies ſe vertit, tot vultus induit, tot diverſorum malorum perſonam ſumit, ut ſaepe experientia, cum accuſa medici ſagacitate, priorque vitae generis et corporis habitus notitia, hoc inter et alia plurima mala ſolum diſcernere queant. Deſunt omnia ſigna *παθολογομονικα*, quae dicuntur; ipſeque SYDENHUS dormitabat, cum urinam limpidam hyſtericis malis propriam eſſe, aliis alienam, et pro certiffimo illorum ſigno habendam, affirmaret. Quae enim malis hyſtericis talis urina propria neque, ut antea eſt dictum, in iſdem hiſ ſemper invenitur.

Quibus prae caeteris dignoſci morbus poſſe haec ſunt: Globus hyſtericus, et ante accedunt cum aliae animi affectiones, tum maxime morbi accedunt, ipſa affectuum omnium diverſitas, tuſque eorum ab aliis ad alia loca tranſitus.

Proximum nunc est affectuum hujus morbi singulorum rationes proponere; quod tamen duplici causa censui omittendum: ne hic sermo, quem ab initio intra levioris opusculi modestos limites coërrere propositum est, in immodicam longitudinem procedens turgat; neve explicandi studio in obscura provectus, obscuriora turpiter relinquam. Subtilium enim corporis nostri partium fabrica, modusque, quo corpus et animus, nervorum ope, se se mutuo agant, adeo incerta et incognita nobis sunt, ut quibuscumque rationibus evolvi posse non videntur. Quod si neque rationibus nullo experimento firmatis credi oportet, et hic experimenta sunt; contra, si plurima conatibus nostris ubique efficiunt, spes fallunt, et intra optatam contere metam cogunt, nonne in Baglivianum illud videmur? "Latet, aeternumque latebit, minima illa ac subtilis, non solum a sensibus, sed ab humanae mentis acie prorsus remota, solidiorum aequae ac fluidarum corporis viventis partium textura."

P R O G N O S I S.

Hic morbus minus periculi quam terroris habet. Pro vi et numero affectuum in eo sese ostendentium, et prout accessiones frequentiores aut rariores sunt, ita de eventu judicandum est.

C 2

Proximus quidem affectus est, minime tamen lethalis, utat. lib. de affect. § 5.

est. Supervacanei laboris esset, quando in praecipite stet afflicta, quando in tuto magis versetur, percurrere: siquidem ex historia morbi periculi et salutis modum colligi licebit. Unam hanc tantum observationem proponam; quamdiu cordis et pulmonum actio manet, non esse metuendum; in maximo periculo eas versari, quae gravidae, aut partu nuper levatae, in accessiones inciderunt; ubi canceri uteri aut ejus appendicum, vel ulcera aut tumores, morbum effecerunt, malum etiam est.

CURATIO facilior in junioribus quam in senibus; in his etiam difficilior, si ad senectutis incommoda deterior corporis habitus accessit. Contra, illae ex levi aliqua vitae generis mutatione sanantur. Si ante pubescentes annos affectus hysterici fuerunt (b), menstruis jam primum erumpentibus, re evanescent, modo illae libere et nullo negotio fluant. Ubi iidem ex parentibus traditi saeviunt, ex leviori quaque re, cum tolli jam debuerint, currunt, triste et insanabile hoc genus habetur. Sunt quae in ipsa accessione pereunt, eae potius, quae imbecilliores corporis habitum habent, quaeve inter aegritudinem male curatae sunt. autem accessione epileptica aut apoplectica regulari solent (d).

(a) Juncker. conspect. med. p. 331.

(b) Hippocrat. coac. praenot.

(c) Astruc loc. citat. p. 103.

(d) Hoffman. loc. citat. p. 55.

R A T I O M E D E N D I.

TRIPLEX medendi ratio est.

Primum, Casus morbum excitantes vitandi,

Deinde, Instantia mala levanda, accessionesque tollendae,

Tertio, Inter singulas has corporis mobilitas demenda est.

Casus morbum efficientes qui sint, jam antea dictum est.

Protinus igitur ad secundam curandi rationis partem adgredior. Hic autem, si plenius corpus est, aut praeter naturam aliqua intus retenta morbum fecerunt, ante omnia sanguinem mitti oportet (a); quod tamen aliis omnibus temporibus nocere consuevit: quin et exitiale interdum idem hoc remedium fuit (b); siquidem in praesens tantummodo tempus mulier levatur, corpus autem debilitatur, morbusque laeso sic habitui certius

(a) Secari in talo vena plerumque solet ab iis qui in usu medendi versantur; magis si menstruorum humor parum fluit.

(b) Sydenham. loc. citat.

tius inhaerescit (a); adeoque in ipsis iis, quibus plenius est corpus, cavendum est, ne saepius iusto vena secetur: nam sanguinis perdendi consuetudo leviora quidem mala facit, sed accessiones crebriores et graviore utique reddit.

Verum si instantium omnium pestis mitti sanguinem omnino cogit, quo tempore deficiens corporis robur vetat, eliciendus is paulatim est, vel sugentibus hirudinibus, vel, ut CELSUS praecipit, cucurbitis admotis (b). Ubi vena neque secari debet, neque secta profuit, irritandi nervi sunt, pluribus corporis locis aqua frigida sparsis (c), pedibusque eadem levatis: per anum immitti debent, ruta, camomelum, et similia, quibus multum olei blandi sit adjectum; praecordia et artus extremi perfricari (d); naribus odorem gravem spirantia admoventi: Hujusmodi sunt, assa foetida, oleum cornu cervi, sal volatilis ammoniacus, panmus aceto acri tincta, plumae combustae, vel lucernae modo extinctae halitus (e), donec expergefacta sit, vel sternutatio cieatur (f). Quod si post omnia haec accessio adhuc manet, proxima cura est, ut per acria cataplasmata (g), vel foetidis em-

plastris

(a) Hoffman. loc. ult. citat. p. 55. Lieuteaud, loc. citat. p. 620.

(b) De med. cap. 20. lib. 4. p. 232.

(c) Hippocrat. epidem. 5.

(d) Hoffman. loc. ult. citat. p. 57.

(e) Celsus, loc. ult. citat. p. 233.

(f) Hippocrat. aphor. 35. § 5. Astruc, loc. cit. p. 10.

(g) Astruc, loc. citat. p. 117.

plastris (a) abdomini aut cavis pedibus impositis, excitetur. Nicotiani fumos, si a cessantibus, vel pertinaciter retentis menstruis, morbus ortus est, in uterum immitti quoque oportet. Nonnunquam convulsionibus et vomitibus ita gravibus mulieres torquentur, ut ad opiata fugere necesse sit; quae, nisi haec necessitas urget, post debitam inanitionem, solum dari convenit.

Restat nunc, ut de tertia medendi rationis parte verba faciam. Haec a leni vomitu (b), per ipecacuanum, carduum benedictum, vel camomelum, excitato, recte incipi posse videtur; eo-
que magis, si sub accessionis tempore opiatorum necessitas fuit (c). Hac ratione, in stomacho et intestinis sordes semper abundantes rejici possunt. Porro, cum ad ultimas corporis partes eorum vis penetret, quicquid vel perspirationem, vel aliud quidvis excerni debitum, impedit, id sic citatus vomitus tollit; cujus quidem utilitatem, cum in hoc morbo, tum in omni nervorum resolutionis genere, experientia docet (d). Post vomitum, quicquid, quod et purgat et roborat, ut tinctura ipecacuanae amara vinosa, tinctura sacra, aut simile aliquid,

(a) Forrestus, lib. 28. obs. 34.

(b) Acriter purgantia omnia fugienda; siquidem graves et motus excitant. Hoffman. loc. ult. citat. p. 56. Lieuwen. loc. citat. p. 621.

(c) Hoffman. loc. ult. citat. p. 56.

(d) Cheyne on the English Malady, p. 207.

quid, recte datur: quo facto, et tuto et prosperè uti opiatu licebit. Nec liberior tamen eorum usus utilis est; quoniam, ut minus profint, nisi portionibus usque auctis, vel brevis consuetudo efficit; nec sine magno malo ponere, quo tempore velis, post longiorem usum, eadem licebit.

Proximum nunc est, quicquid vel impedit, vel omnino menstrua occludit, ejus tollendi proponere rationem. Si vel in uteri vasa sanguis languidius influxit, vel illorum extrema nimis contracta sunt, unde vi a tergo sanguinem citanti, nimis quoque contra resistitur, utrumque enim fieri potest, prout haec aut illa causa fuit, ita diversa sequenda curandi ratio est. Si sanguis languidius in uterum influit, citandus is primum est: huius confilio aloë, parvae mercurii dulcis portiones (a), concussus electricus (b), elleborus niger (c), gummi foetida (d), potissimum conveniunt: prodest etiam balneum, et arteriarum crurum, solum menstruorum tempore, compressio: atque hoc tempus est, quo maxime naturae sit succurrendum.

(a) Astruc loc. supr. citat.

(b) De Haën, rat. medend. p. 259.

(c) Hunc nunquam non profuisse pro emenagogo dicitur Mead. Cochleare parvum hujus tincturae, bis in aquae calidae cyathis, dare consuevit. Monit. med. cap.

(d) Pleniorem habitum habentibus aloë gummiq. resina nocere credidit Hoffmannus, loc. modo cit. p. 56-7.

dum; aliis temporibus alienus omnis fere curandi labor est.

Si uteri vasa constricta, et nimis sanguini resistentia menstruis offecerunt, resolvi illa simul debent, tepidi lactis aquaeque halitibus extrinsecus adhibitis, vel ipsa illa in uterum intro immitti; non inutile est, atque per anum insinuari emolientes clysteres oportet (a). Ubi cessantium hemorrhoidum soboles morbus est, eadem praestanda sunt, et praeter haec, sulphuris usu facilis altius servanda; acriter purgantia vitanda, fugentibus hirudinibus, sanguis per anum eliciendus; unde saepe fit, ut justus fluxus restituatur (b).

Nunc demum ad id perventum est, quod proprius ad curationem pertinet. Ventriculi et intestinorum tonum roborant, et horum nimiam irritabilitatem tollunt, tum opiata caute data, tum chalybs, folia aurantiorum (c), tum alia firmentia et antispasmodica. Verum si jam alicui morbus insuevit, certior curandi ratio nulla est, quam ut, ceteris omissis, ad solitum vitae genus afflicta redeat, et has tamen leges observet (d).

D

VICTUS

(a) Si omnes conatus in reducendis menstruis frustra sunt, et fonticulos arte factos tentandum auxilium est.

(b) Hoffman. consult. et respons. med. cent. 2 et 3. sect. cas. 43. p. 224.

(c) Observat. Pract. Maximiliani Lochet. p. 45.

(d) Hoffman. loc. ult. citat. cas. 43.

Victus ejus generis esse debet, quod quam maxime alit, facillime concoquitur, et inflammationibus minime opportunum est; cibi non multum simul (a), sed saepius sumi. Ita enim fiet, ut et facilius, et perfectius is in sanguinem mutetur, malaeque digestionis incommodis occurratur.

Aqua vel pura, vel certis ei rebus natura mixtis, caffè et vina, potui danda sunt. Aqua frigida optime cibum digerit; optime humorum servat tenuitatem. Eadem ante somnum pota cum pitens aut acidum quidvis ventriculo fortiter conclusum dilutum abluat, quietem per noctem conciliabit, et una vel altera ante jentaculum hora, si iterum fuerit assumpta, cibi appetitum acuet. Aquae, cui alias res natura immiscuit, eadem sunt affectus; et praeter hos, menstruorum fluxum et potenter regit (b), et animi languorem hujus morbi toties comitem tollit (c). Saepius hystericis in vitiis caput dolet, magisque post cibum, quia debilior ventriculi tonus est, quam concoctio rite procedat, sub hoc casu efficax medicina caffè est, et plerisque etiam grata (d).

Vini

(a) Impura corpora, quo magis nutriveris, eo magis das. Hippocrat. aphor. lib. 2. sect. 2.

(b) Hoffman. v. 3. sect. 1. cap. v. p. 56.

(c) Cheyne, loc. citat. p. 210.

(d) Cum stomachus valde debilis sit, tribus post prandium horis, dolore capitis, gravitate, moerore, vexari incipit.

Vinum rarius datur, quod tamen in paucis sane morbis magis desideratur, utiliufve dari, quam in hoc, potest, maxime, si qua ei non multum assuevit. Saepe Sydenhamus profuisse vinum comperit. (a). Fullerus, cuidam mulieri accessiones pertinaciter diuturnas, frustra aliis medicamentis curatas, per hoc sanatas ostendit (b). Idem rite ministratum et ventriculum et intestina roborat et bilares animos facit. Hoc consilio, ex eorum genere, quae roborant et optime fermentata sunt, aliquid eligendum est, ne turbas in ventriculo jam ultro iis obnoxio molestas forte excitet.

Si horum omnium nihil profecit, vehementes et subitae animi perturbationes, ultimum auxilium, sollicitandi sunt; his enim Epilepsias (c), et alios nervorum morbos sublato fuisse constat; min et ipse hic, de quo agitur, morbus, aliis re-

D 2

bus

(d). quoniam a stomacho male digerente fiunt, duos vel tres cyathos haurio, et momento temporis, ac fere ad unum a malis praedictis me statim libero. Bagliv. Prax.

lib. i. p. 76.

(e) Sydenham. loc. citat.

(f) Medicin. Gymnast. p. 131.

(g) Barthol. hist. anat. rarior, c. iii. hist. xli. miscell. ac

curios. d. 11. ann. ix. obs. clxxxix. d. 111. ann. ix. x.

lib.

bus frustra tentatis, simili rationi aliquando cessit (d).

In summum tamen, vix ulla spes in sola medicina posita est. Levare ea quidem pro tempore solet, non etiam fanare. Si quam quis perfanare velit, ad exercitationem fugiendum est. Sola haec perpetuo prope auxilio est (a). Utilissima equitatio est; verum si agitari prae imbecillitate mulier nequit, aliquanto ante ambulare et perfricari eam oportet, vel per levem planitiem vehi; prius quoque vehi et perfricari, quam in frigidam aquam descendere (b). Sic enim, si qua admodum infirma est, eam aqua frigida, alias nocitura, juvat. Neve exercitationum taedium aegri capiat, eae quam maxime variare debent; "Nam levat lassitudinem etiam laboris mutatio; eumque, quem novum genus cujusdam laboris praeficit, id quod in consuetudine est, reficit (c). Exercitationis autem plerumque finis esse debet sudor, aut certe lassitudo, quae citra fatigationem fit (d).

Postrem

(a) L'histor. de l'acad. des sciences, 1752.

(b) Sufficiens labor, et humectatio corporis, plus valde quam universus medicationis apparatus, optima licet modo institutus. Junker. conspect. medicin. p. 334.

(c) Fuller. loc. citat. p. 142.

(d) Celsus, loc. citat. cap. 3. p. 26.

(e) Id. cap. 2. p. 23.

Postremo, cum aliis hominibus alia corporis constitutio sit, magisque etiam foeminis (a), ratio curandi aequae varia sequenda est, idem in aliis mulieribus non semper auxilio erit, nec in eadem, aliis temporibus. Prius igitur quam quis ad curationem se accingat, mulieris constitutionem, vitae genus, et similia alia, scire oportet. Semperque hoc servare, si prava quaevis consuetudo morbum effecit, eam non subito, sed paullatim esse vincendam (b). In excitantes etiam morbum causas inquirendum est, videndumque, gravesne animi motus agitatam aliquando mulierem torserint, quibus nihil proclivius vel excitat, vel excitatum vit morbum, aut curationem magis impedit. Quocirca omnibus modis hilaris et placatus animus, modum quidem per se ad sanationem morborum magnopere pertinet (c), reddi debet; injucunda et molesta omnia ablegari, gaudia eaque varia, agitari; eadem semper objecta fastidium tandem morboque removere: quapropter, potius per regionem voluptuaria

(a) Hippocrates, enumeratis temperamentorum mulierum varietatibus, ait, "Eum autem, qui haec recte tractare volet, mulierum naturas, et temporum opportunitates, et aetates, et anni tempestates, et loca, et ventos, semper agnoscere oportet." Foessii, p. 204, 5.

(b) Cum quis aliquid volet mutare, paullatim debet assuescere. Celsus, loc. citat. cap. 3. p. 25.

(c) Cappod. Aretaeus, lib. 1. de caus. et sig. morb. diu. p. 57.

ria varietate amoenam, quam per notam, eoque minus gratam, eundum est.

Aër apertus, purus et siccus, quantum fieri possit, trahendus, quippe qui sanationem multum expedit; eoque magis, quo imbecillior adhuc mulier est. Nam ut vetus HIPPOCRATES olim observavit, "Aër in omnibus quae corpori accidunt, maximus est et auctor et dominus, cuius jus potentiam diligenter perspicere oportet (a)."

Jamque restat, ut praeceptoribus meis celeberrimis propter labores in me collatos gratum agam. Nae ego me olim felicem fuisse existimabo, quod viros tam graves et doctos per annorum spatium audiverim, quodque horum auspiciis, tantum temporis medicinae studiis derim.

(a) Lib. de flatibus. § 4.

FINIS.

ERRATA.

P. 7. l. 8. pro, inter se junctas, lege, inter se junctas.
 8. l. ult. not. pro, Id. leg. Hoff. P. 13. l. 23. de et add. ? P. 14. l. 12. pro, postque, leg. anteaque.
 l. 18 et 19. pro, pannus, leg. pannus. P. 26. l. 2. inflammationibus, leg. inflationibus. P. 28. lin. 1. (a) leg. (d) l. 3. ib. pro (b) leg. (a) l. 5. ib. pro (c) l. 6. ib. pro (d) leg. (c) l. ult. ib. pro (e) leg. (d) not; l. penult. pro, Arctaeus, leg. Aretaeus.